

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԷՍ-2019/10, 24.01.2019թ.

**Բողոք բերող անձ՝** «ՆԱԻՐԻ ԱԼԱՆԻԿԱ» ՍՊԸ

**Պատվիրատու ՀՀ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ**

**Ընթացակարգի ծածկագիրը՝** «ՀՀ ՊՆ ՆՏԱԴ-ԷԱՃԱՊՁԲ-9/26» ծածկագրով էլ.աճուրդ.

**Գնման առարկա** Բժշկական պարագաների և ծախսվող նյութերի ձեռքբերում

**Բողոքի պահանջը՝**

Պարտավորեցնել ՀՀ պաշտպանության նախարարության կարիքների համար էլեկտրոնային աճուրդի միջոցով բժշկական պարագաների և ծախսվող նյութերի ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-9/26» ծածկագրով էլ.աճուրդի գնահատող հանձնաժողովին չկայացած հայտարարել նշված էլ.աճուրդը:

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու

օրվանից մինչև բողոքարկման վերաբերյալ ընդունված որոշման՝ տեղեկագրում  
հրապարակման օրը ներառյալ:

*ՀՀ գնումների հետ կապված բողոքներ քննող անձին*

*Բողոք բերող՝ «Նաիրի-Ալանիկա» ՍՊԸ*  
Հասցե՝ ՀՀ, ք. Երևան, Արաբկիրի 19 փ. 6/75  
հեռ: (093) 43-36-31  
Էլ. փոստ՝ nairialanika@gmail.com

*Պատվիրատու՝ ՀՀ պաշտպանության նախարարություն*  
Հասցե՝ ՀՀ, ք. Երևան, Բազրկանդի 5

*Գնման ընթացակարգի ծածկագիրը և առարկան՝  
ՀՀ պաշտպանության նախարարության կարիքների համար բժշկական պարագաների և  
ծախսվող նյութերի ձեռքբերման նպատակով հայտարարված  
«ՀՀ ՊՆ ՆՏԱԴ-ԷԱՃԱՊՁԲ-9/26» ծածկագրով էլեկտրոնային աճուրդ*

**ԲՈՂՈՔ**

*• Գործի հակիրճ նկարագրությունը և բողոքի փաստերը.*

ՀՀ պաշտպանության նախարարության կարիքների համար բժշկական պարագաների և ծախսվող նյութերի ձեռքբերման նպատակով հայտարարվել է «ՀՀ ՊՆ ՆՏԱԴ-ԷԱՃԱՊՁԲ-9/26» ծածկագրով էլեկտրոնային աճուրդ (այսուհետ նաև՝ Ընթացակարգ):

Ընթացակարգի հայտերի ներկայացման վերջնաժամկետ է սահմանվել 2019թ. հունվարի 9, ժամը 10:00-ը:

Հաշվի առնելով այն հանգամանքը, որ Ընթացակարգը բաղկացած է եղել 61 չափաբաժիններից և յուրաքանչյուր չափաբաժնով սահմանված տեխնիկական բնութագրերը մի շարք հարցեր են առաջացրել «Նաիրի-Ալանիկա» ՍՊԸ-ի համար, վերջինս գնումների մասին ՀՀ օրենսդրությամբ սահմանված կարգով և ժամկետներում հարցում է ներկայացրել Ընթացակարգի գնահատող հանձնաժողովին (հարցման արտատպումը կցվում է), որով, մասնավորապես, նշվել է՝

*1. Հարգելի հանձնաժողով, Ընթացակարգի 22-րդ, 23-րդ, 53-րդ, 54-րդ չափաբաժինների տեխնիկական բնութագրերում թթվածնային խողովակների երկարությունը նշված է 213 սմ, իսկ «Նաիրի-Ալանիկա» ՍՊԸ-ի կողմից առաջարկվող*

ՄԵՐՈՍԿՈՎ  
ՄԵՐՈՍ N 2487-19  
24 01 2019

արտադրանքի թթվածնային խողովակների երկարությունը 210սմ է: Խնդրում ենք տալ պարզաբանում մեր առաջարկը կարող է համարվել համարժեք:

2. Հարգելի հանձնաժողով, Ընթացակարգի 6-րդ չափաբաժնի տեխնիկական բնութագրում 3-րդ համարի օռոֆարինգեալ օդամուղը ունի 10սմ երկարություն, իսկ «Նաիրի-Ալանիկա» ՄՊԸ-ի կողմից առաջարկվող 3-րդ համարի օդամուղի երկարությունը 9սմ է: Խնդրում ենք տալ պարզաբանում մեր առաջարկը կարող է համարվել համարժեք:

3. Հարգելի հանձնաժողով, Ընթացակարգի 8-րդ չափաբաժնի տեխնիկական բնութագրում տրախևոստոմիկ փողի թերության անկյունը կազմում է 105 աստիճան, իսկ «Նաիրի-Ալանիկա» ՄՊԸ-ի կողմից առաջարկվող հավաքածուում փողի թերությունը կազմում է 95 աստիճան և խոզանակը տրվում է առանձին փաթեթավորումով: Խնդրում ենք տալ պարզաբանում մեր առաջարկը կարող է համարվել համարժեք:

4. Հարգելի հանձնաժողով, Ընթացակարգի 15-րդ չափաբաժնի տեխնիկական բնութագրում տրախևոստոմիկ փողի թերության անկյունը կազմում է 105 աստիճան, իսկ «Նաիրի-Ալանիկա» ՄՊԸ-ի կողմից առաջարկվող հավաքածուում փողի թերությունը կազմում է 100 աստիճան և խոզանակը տրվում է առանձին փաթեթավորումով: Խնդրում ենք տալ պարզաբանում մեր առաջարկը կարող է համարվել համարժեք:

5. Հարգելի հանձնաժողով, Ընթացակարգի 10-րդ, 59-րդ, 60-րդ չափաբաժինների տեխնիկական բնութագրերում նշված է գերնուրբ տեսակի տանձաձև կառուցվածքի մանժետ, իսկ «Նաիրի-Ալանիկա» ՄՊԸ-ի կողմից առաջարկվող արտադրանքը ունի ցածր ճնշման գերնուրբ գլանաձև մանժետ, որը ապահովում է ճնշման հավասարաչափ բաշխում մեծ ծավալի մակերեսի վրա իջեցնելով ճնշումը տրախեայի նուրբ հյուսվածքների վրա, ապահովելով լիարժեք հերմետիկություն: Խնդրում ենք տալ պարզաբանում մեր առաջարկը կարող է համարվել համարժեք:

Մակայն Ընթացակարգի գնահատող հանձնաժողովը չի ներկայացրել պարզաբանում՝ «Նաիրի-Ալանիկա» ՄՊԸ-ի հարցումների վերաբերյալ:

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետև՝ օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կերման նպատակով *մասնակիցների շրջանակի ընդայնում և նրանց միջև մրցակցության իրախուսում*:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, *ունի գնման գործընթացին մասնակցելու հավասար իրավունք*:

Օրենքի 29-րդ հոդվածի 1-ին մասի համաձայն՝ մասնակիցն իրավունք ունի հայտերի ներկայացման վերջնաժամկետը լրանալուց առնվազն հինգ օրացուցային օր առաջ գրավոր պահանջելու հրավերի պարզաբանում: Հարցումը կատարած մասնակցին պարզաբանումը տրամադրվում է գրավոր՝ հարցումն ստանալու օրվան հաջորդող երկու օրացուցային օրվա ընթացքում:

Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Նաիրի-Ալանիկա» ՍՊԸ-ն ՀՀ օրենսդրությամբ սահմանված կարգով և ժամկետներում (04.01.2019թ.) հարցումներ է ներկայացրել Ընթացակարգի գնահատող հանձնաժողովին՝ Ընթացակարգի մի շարք չափաբաժինների տեխնիկական բնութագրերի վերաբերյալ, սակայն Ընթացակարգի գնահատող հանձնաժողովը չի պատասխանել այդ հարցումներին:

Արդյունքում մինչև հայտերի ներկայացման վերջնաժամկետը «Նաիրի-Ալանիկա» ՍՊԸ-ն որոշում է կայացրել մասնակցության հայտ ներկայացնել ՀՀ ՊՆ ՆՏԱԴ ԲԱՃԱՊԴԲ-9/26» ծածկագրով էլեկտրոնային աճուրդին և առաջարկել բարձր մեկնարկային գներ:

Բողոքը քննող անձին խնդրում ենք նկատի ունենալ, որ չունենալով Ընթացակարգի գնահատող հանձնաժողովի պարզաբանումները իր կողմից ներկայացված հարցադրումների վերաբերյալ, «Նաիրի-Ալանիկա» ՍՊԸ-ն, ըստ էության, գրկվել է իր մասնակցության իրավունքից լիարժեք օգտվելու հնարավորությունից: Բանն այն է, որ վախենալով հետագա հնարավոր խնդիրների, մասնավորապես, վախենալով իր կողմից առաջարկվող ապրանքի տեխնիկական բնութագրերի հրավերի պահանջներին չհամապատասխանելու վտանգից (հարցումները ներկայացվել էին հենց այս մասով), որը անխուսափելիորեն կհանգեցներ նաև «Նաիրի-Ալանիկա» ՍՊԸ-ին գնման գործընթացին մասնակցելու իրավունք չունեցող մասնակիցների ցուցակում ընդգրկվելուն, ուստի գիտակցելով վերոհիշյալը՝ Ընկերությունը չի մասնակցել Ընթացակարգի 11.01.2019թ. տեղի ունեցող էլեկտրոնային հակադարձ աճուրդին, որի ժամանակ կարող էր ավելի ցածր գին առաջարկել և, ինչու ոչ, մի շարք չափաբաժինների մասով առաջին տեղ զբաղեցնող մասնակից ձանաչվեր:

Նման փաստական հանգամանքների պայմաններում, գտնում ենք, որ «ՀՀ ՊՆ ՆՏԱԴ-ԷԱՃԱՊՁԲ-9/26» ծածկագրով էլեկտրոնային աճուրդի գնահատող հանձնաժողովը խախտել է Օրենքի 29-րդ հոդվածի 1-ին մասի պահանջները, ինչ էլ իր հերթին հանգեցրել է Օրենքի 7-րդ հոդվածի 1-ին մասով երաշխավորված մասնակցի մասնակցության իրավունքի իրականացման սահմանափակմանը կամ ոչ լիարժեք իրականացմանը: Վերոհիշյալի արդյունքում նաև խախտվել է «Գնումների մասին» ՀՀ օրենքի 3-րդ հոդվածի 2-րդ մասի 2-րդ կետով սահմանված պայմանագրի կնքման նպատակով մասնակիցների շրջանակի ընդլայնման և նրանց միջև մրցակցության խրախուսման սկզբունքը:

Օրենքի 50-րդ հոդվածի 7-րդ մասի 1-ին կետի «բ» պարբերության համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

*Ելնելով վերոգրյալից՝ ՀՀ գնումների հետ կապված բողոքներ քննող անձին*

#### ԽՆԴՐՈՒՄ ԵՄ՝

Պարտավորեցնել ՀՀ պաշտպանության նախարարության կարիքների համար էլեկտրոնային աճուրդի միջոցով բժշկական պարագաների և ծախսվող կյուբերի ձեռքբերման նպատակով հայտարարված «ՀՀ ՊՆ ՆՏԱԴ-ԷԱՃԱՊՁԲ-9/26» ծածկագրով էլեկտրոնային աճուրդի գնահատող հանձնաժողովին չկայացած հայտարարել նշված էլեկտրոնային աճուրդը:

Առդիր՝ 3 թերթ:

Հարգանքով՝

«Նաիրի-Ալանիկա» ՍՊԸ-ի տնօրեն՝

24. 01. 2019թ.

Ա Ստեփանյան

